



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

2. Et ad Definitionem Innocentij III.

**urn:nbn:de:hbz:466:1-38277**

enim est responsum juris, aliud Dogma ac Decretum fidei : hoc totam Ecclesiam respicit, & quidem cum imperio ad omnes fidèles directo, quo obligantur sub pena hæreſeos & anathematis illud recipere, nec aliter credere : id nunquam Cœlestinus fecit, imò néque Innocentius, qui Cœlestinum corrigit : *Credimus*, inquit, *aliter respondendum*. Sunt hæc verba definitissimæ, & non potius disputantissimæ ? sed parvum Maimburgo solius historie gnaro, Theologæ vero, Canonumque rudi, quod ex omnibus ferè illius operibus elucet ; nihil enim infelicius, cùm Theologum agit, Jurisperitum, & alieno calceo incedit, cadenti, quam eunti humilior. Pudet me immorari tam absurdis.

II. Opponit. 7. Refert Cæsarius, Innocentium III. jam Pontificem solemnem Definitionem ex consilio sacri Cardinalium Senatus, ad eoque ex Cathedra edidisse, quæ omnino fidei adversatur, & ab ipso postea Innocentio improbata est. Res sic habuit : Monachus quidam se Sacerdotem finxerat, ac quotidie sacrissimis operabatur. Tactus poenitentiæ sacrilegium in Confessione Abbatii exponit. Is juber deinceps sacrificio abstinere. At Monachus pergere, veritus, ne ab alijs notaretur. Abbas animi incertus, cùm & timeret arcana confessionis retegere, nec sacrilegium ferre posset quotidie oculis expositum, rem ad Capitulum generale defere suppresso nomine. Capitulum ad Pontificem Romanum, hic ad Cardinalium Senatum, ex cuius consilio : scripsit, inquit, Cæsarius (a) sequenti anno Capitulo, quod fuerat à se determinatum, & à Cardinalibus approbatum in hac verba : *Ego dico in tali articulo esse prodendum, quia talis Confessio non est Confessio, sed Blasphemia, nec debet Confessor Blasphemiam tantam ac insaniam celare.* At vero in Concilio Lateranensi, cui Innocentius præfuit, contrarium omnino definitur, ubi : *Caveat Sacerdos, ne verbo vel signo, vel alio quovis modo prodat aliquatenus peccatorem : Et qui peccatum in penitentiali iudicio sibi detectum presumperit revelare, non solum à Sacerdotali officio deponendum decernimus, verum etiam ad agendum perpetuam poenitentiam in arctum Monasterium detrudendum.* En Innocentium contraria decernentem ! semel in Senatu Cardinalium Ecclesiam Romanam representante, semel in Concilio Generali : hic verum, illic falsum decernit ; ergo Pontifex in Concilio Generali erroris expers est : extra falli potest.

Ref.

(a) Cæsar. lib. 3. cap. 22.

*Reſp.* Tota hæc narratio Cæſarij auctoritate nititur: quām fragilem basin tantæ moli ferendæ! quis enim nescit, multa à Cæſario narrari fabulis simillima? & quæ ipse profitetur, aliorum tantum narratione accepta? ergo æquum Maimburgo videbitur, totam retrò ab Irenœo antiquitatem, tot Patres, tot Concilia Oecumenica falsi arguere unius Cæſarij testimonio? præfertim cùm is audita, non vifa narret, imd̄ ne ab ullo quidem scriptore consignata, nec inter epistolæ Innocentij reperta; & mirum est, rem tantam omnium silentio premi. Si post Innocentij Decretum Lateranense Concilium contrarium tanquam fidei dogma definit, ut ait Maimburgus; ergo Cæſarius hæreticus est, qui non obſtante Concilij definitione se Innocentij sententiae adhærere profiteretur: quam ergo fidem Cæſario adhibebimus perfidia& hæresis reo? Dicam ergo errâſſe Cæſarium, quippe aliena, incomperta, inaudita ac incredibilia narrantem. Quod si absurdum Maimburgo videbitur, Cæſarium in mero facto, historiâque errâſſe, in qua tam multi, præstantesque errârunt; quantò absurdius erit, in rebus ad fidem, æternâque salutem spectantibus errâſſe, aut errare Pontificem, errare Magistrum, Pastoremque Ecclesiæ, errâſſe Cathedram veritatis, errâſſe Patres, errâſſe Concilia, errâſſe Ecclesiastam Gallicanam, omnēsque Ecclesiæ scholas, quæ Romano Pontifici tanto conſenſu infallibilitatem tredecim & ultrâ ſeculorum decurſu attribuere? Quantò minori diſpendio errâſſe, deceptumque Cæſarium esse dicemus, quām iſtos omnes? Sed demus vera esse à Cæſario narrata, nihil adhuc obſtant veritati. Quando enim Innocentius Cifertensi Capitulo ſcripſit, nihil definivit, nec præcepit pro fidei dogmate habendum, nec contraria ſententiam doceri prohibuit, cæciditque anathemate, in quo ſolo caſu, qui proprius Pontificis eſt, convenitque Magistro Ecclesiæ, infallibilem eſſe dicimus.

III. *Opponit s.* Exemplum Johannis PP. qui nihil non egit, ut opinio in Ecclesia recipetur, quam animo ſuo imprefterat, animas vid. iuſtorum non admitti post mortem ad Visionem Beatiſcam, ante Resurrectionem corporum. Hancenim ſententiam & in publicis & inprivatis congressibus, imd̄ & è ſuggestu docuit, omnēsque lapidem movit, ut eam Universitati Parisiensi per-